

تطور الساندويتشات ☺

فرحانين بيه جداً ويسألوه: "هتفطر معانا". بيرد عليهم ونظرته حاملة جداً: "لا يا شباب مش هفطر". لسة راجع من أجازة الجواز، وطبعاً هيمد إيده في شنطته ويطلع كيس "أيكيا" الشيك وفيه الساندويتشات المعمولة "بجب"، كل سندوتش فيه رسالة مختلفة: واحد لانشون وكلمة "بجبك" مكتوبة بكور الفلفل الأسود، وواحد جينة بيضا والخيار معاها على شكل قلوب! كان "استشاري" فطار قبل كدة، هو اللي يجمع الأوردو ويسجل الطلبات ويحاسب ويجمع الفلوس، ويخسر دائماً ... وعشان بجه فعلاً قولته أنا هقولك الحكاية واسمعها يا بني:

- هتفضل شوية تجيب الساندويتشات، وبعد فترة ربنا هيكرمك والمدام هتبقى حامل وساعتها هتقف الساندويتشات أو هتقل جداً وبالتأكيد مش هيبقى فيها أي رسائل!

- المدام ربنا هيكرمها وهيجي البيبي، وساعتها احتمال كبير إنك انت اللي تعملهم الساندويتشات قبل ما تنزل!

- على أي حال، هترجع وانت مخرج شوية وتظهر تاني معانا وتشارك في الأوردرد على استحياء، هنرحب بيك برضو ومش حنكسفك ولا نشمت فيك لأنك - في النهاية - واحد مننا.

- بعد سنوات هتظهر الساندويتشات معاك تاني، شكلها هيختلف كتير والدوام لله وحده! بعضها متاخذ منه قطعة، قطعة بيتزا بايتة، رغيف شامي ملفوف بطريقة مريبة ومحتوياته مجهولة، وكثير منها أصناف مش بتحبها أصلاً! ياترى ما سبب ظهور الساندويتشات تاني؟! السبب هو بدء دخول الأطفال للمدارس، المدام بتجهز الساندويتشات الصبح، "يا ماما مبجبش الجبنة الرومي"، تنظر له شذراً وتصدر منها أصوات مكتومة غير مفهومة "طيب وقطمت منها ليه؟! حطها في كيس بابا" وهكذا، هي كدة كدة حتعمل للأولاد يبقى مفيش مانع إنت كان "As well!" أهلاً بيك (:)

بصلي للحظات وهو ماسك الكيس اللي معمول "بجب" وحسيت إن إيده بتترعش وشعره بدأ يبيض! خفت عليه بصراحة وقولته: أنا بعاكسك بس يا عم، الموضوع مش

بالصورة دي واسألني أنا بعد خبرة السنين في الزواج، عيش اللحظة والمستقبل في علم الله، استمتع بالأكل، أنا حتى معايا ساندويتشات وحقعد أكل معاك، فتحت كيس "التوحيد والنور" بتاعي وطلعت قطعة البيتزا البايطة وبقايا سندويتش الجبنة الرومي وتأملتهم بحيرة حقيقية وبصتله بصة "بريئة" وسألته: "تفتكر أبداً بأنهي واحد فيهم؟!"

دي قصة عن تطور "الساندويتشات"، وبدون تعميم، مع كامل الاحترام لمجهود وتعب كل الزوجات والأمهات (٢٠)!
